

თერჯოლის მუნიციპალიტეტის საკრებულოს თავმჯდომარის 2024 წლის ანგარიში.

საქართველოს ორგანული კანონის „ადგილობრივი თვითმმართველობის კოდექსისა“ და თერჯოლის მუნიციპალიტეტის საკრებულოს რეგლამენტის მიხედვით ვალდებული ვარ წარმოგიდგინოთ, როგორც საკრებულოს თავმჯდომარის გიორგი ბარათაშვილის მიერ გაწეული ერთი წლის საქმიანობის შესახებ ანგარიში.

განვლილი პერიოდი დაბეჯითებით შემძლია განვაცხადო, გამორჩეული იყო ინფრასტრუქტურული და სოციალური პროექტების სიმრავლით, ბევრი სიახლით კულტურისა და სპორტის, ტურიზმის განვითარების სფეროში. რომელთა განხორციელების შედეგად თვისობრივად შეიცვალა მუნიციპალიტეტის სოციალურ-ეკონომიკური ყოფის პირობები. ჩემი ღრმა რწმენით, მიმდინარე 2024 და შემდგომი წლები უფრო მეტი წარმატების მომტანი იქნება ჩვენი მუნიციპალიტეტისათვის და რა თქმა უნდა მთლიანად ქვეყნისათვის.

თერჯოლის მუნიციპალიტეტის საკრებულო საკითხების წინასწარ მომზადებას, გადაწყვეტილებების შესრულებისათვის ხელის შეწყობას, მერიის მისი სტრუქტურული ერთეულების და მუნიციპალიტეტის მიერ დაფუძნებული იურიდიული პირების კონტროლს ახორციელებს თერჯოლის მუნიციპალიტეტის საკრებულოს კომისიების შემდგომით:

1. იურიდიულ საკითხთა კომისია _ თავმჯდომარე ბიძინა ბუცხრიკიძე
 - ჩატარებულია 7 სხდომა, განხილული იქნა 18 საკითხი.

2. საფინანსო-საბიუჯეტო კომისია _ თავმჯდომარე თემურ ქოჩიაშვილი
 - ჩატარებულია 11 სხდომა, განხილული იქნა 17 საკითხი.

3. ეკონომიკისა და ქონების მართვის საკითხთა კომისია _ თავმჯდომარე ბადრი ბუცხრიკიძე
 - ჩატარებულია 9 სხდომა, განხილული იქნა 21 საკითხი.

4. ჯანმრთელობის დაცვის და სოციალურ საკითხთა კომისია _ თავმჯდომარე შალვა ჭანკვეტაძე
 - ჩატარებულია 6 სხდომა, განხილული იქნა 37 საკითხი.

5. კულტურის, განათლების, სპორტისა და ახალგაზრდულ საქმეთა კომისია – თავმჯდომარე გრიგოლ გიორგაძე

➤ ჩატარებულია 5 სხდომა, განხილული იქნა 5 საკითხი.

აღნიშნულ პერიოდში გაიმართა 21 ბიუროს სხდომა, რომლებზეც, საერთო ჯამში 110 საკითხია განხილული.

თერჯოლის მუნიციპალიტეტის საკრებულომ ჩატარა 21 სხდომა, აქედან 12 მორიგი და 9 რიგგარეშე. საერთო ჯამში განვიხილეთ 110 საკითხი, მიღებული იქნა 21 დადგენილება და 89 განკარგულება.

ბიუჯეტი

2024 წლის საწყისი ბიუჯეტი დამტკიცდა 2023 წლის 13 დეკემბერს და შეადგენდა 19 150 000 ლარს. მოცულობით, მიმდინარე წლის განმავლობაში 13 -ჯერ იქნა შეტანილი ცვლილება და აქედან 6 - ჯერ მერის ბრძანებით თანხების გაზრდის მიზნით და მუნიციპალიტეტის ბიუჯეტში მთლიანმა მოცულობამ წლის ბოლოსთვის შეადგინა 39 941 000 ლარი, რომელიც განაწილდა მუნიციპალიტეტში არსებულ სოციალურ პროგრამებზე, ინფრასტრუქტურის მოწყობაზე, განათლებაზე, სპორტზე, გარემოს დაცვაზე და სხვა არსებულ საჭიროებებზე.

სოციალური პროგრამები

ადგილობრივ თვითმმართველობაში მთავარი საზრუნავი არის და ყოველთვის იქნება მოსახლეობის ჯანმრთელობის დაცვის ხელშეწყობა და მათი სოციალური დაცვა. საკრებულომ დაამტკიცა 15 სოციალური პროგრამა:

1. თერჯოლის მუნიციპალიტეტში რეგისტრირებული მძიმე სოციალურ პირობებში მყოფი ოჯახების ერთჯერადი ფინანსური მხარდაჭერის პროგრამა. ბიუჯეტი - 284 000 ლარი.
2. თერჯოლის მუნიციპალიტეტში რეგისტრირებული მოქალაქეების სამედიცინო მომსახურების თანადაფინანსების პროგრამა. ბიუჯეტი - 300 000 ლარი.
3. თერჯოლის მუნიციპალიტეტში რეგისტრირებულ ახალშობილთა ოჯახების მხარდაჭერის პროგრამა. ბიუჯეტი - 50 000 ლარი

4. თერჯოლის მუნიციპალიტეტში რეგისტრირებული უკიდურეს გაჭირვებაში და მძიმე სოციალურ პირობებში მყოფი ოჯახების საკვები პროდუქტებით მხარდაჭერის პროგრამა. ბიუჯეტი - 120 000 ლარი.
5. თერჯოლის მუნიციპალიტეტში რეგისტრირებული პირველი ჯგუფის უსინათლოთა სოციალური მხარდაჭერის პროგრამა. ბიუჯეტი - 50 00 ლარი.
6. თერჯოლის მუნიციპალიტეტში რეგისტრირებული უკიდურეს გაჭირვებაში მყოფი ბენეფიციარების სოციალური მხარდაჭერის პროგრამა. ბიუჯეტი - 2000 ლარი.
7. თერჯოლის მუნიციპალიტეტში რეგისტრირებული ეპილეფსიით ან პარკინსონით დაავადებულ ბენეფიციართა სოციალური მხარდაჭერის პროგრამა. ბიუჯეტი - 35 000 ლარი.
8. თერჯოლის მუნიციპალიტეტში რეგისტრირებული დიალიზის სახელმწიფო პროგრამას დაქვემდებარებულ ბენეფიციართა სოციალური მხარდაჭერის პროგრამა. ბიუჯეტი - 100 000 ლარი.
9. უსახლკაროდ დარჩენილი ოჯახების დროებითი საცხოვრებელი ბინით, ქირით უზრუნველყოფის პროგრამა. ბიუჯეტი - 40 000 ლარი.
10. თერჯოლის მუნიციპალიტეტში მცხოვრებ სახლ დაზიანებული მოქალაქეების დახმარების პროგრამა. ბიუჯეტი - 590 000 ლარი.
11. თერჯოლის მუნიციპალიტეტში რეგისტრირებული ფენილკეტონურიით და 18 წლამდე დიაბეტით დაავადებულთა მხარდაჭერის პროგრამა. ბიუჯეტი - 30 000 ლარი
12. თერჯოლის მუნიციპალიტეტში რეგისტრირებული მარტოხელა მშობლის მხარდაჭერის პროგრამა. ბიუჯეტი - 55 000 ლარი.
13. თერჯოლის მუნიციპალიტეტში რეგისტრირებული 18 წლამდე შშმ პირთა სარეაბილიტაციო მომსახურების პროგრამა. ბიუჯეტი - 10 000 ლარი.
14. თერჯოლის მუნიციპალიტეტში რეგისტრირებული უპატრონო მიცვალებულის სარიტუალო მომსახურების პროგრამა. ბიუჯეტი - 3 000 ლარი.
15. თერჯოლის მუნიციპალიტეტში მცხოვრებ, მძიმე სოციალურ პირობებში მყოფი ოჯახებისათვის მუნიციპალიტეტის საკუთრებაში არსებული საშემე მერქნის უსასყიდლოდ გადაცემის პროგრამა.

თერჯოლის მუნიციპალიტეტის მერიის მიერ 2024 წლის განმავლობაში პერიოდულად ხდებოდა სხვა და სხვა პროგრამით განსახორციელებელი პროექტების წარმოდგენა განსახილველად შესაბამის კომისიებში. საკითხები შესწავლისა და ანალიზის შემდეგ სრულად იქნა მხარდაჭერილი მუნიციპალიტეტის საკრებულოს მიერ.

სოფლის პროგრამა - 63 პროექტი, ღირებულება - 690 000 ლარი.

რეგიონალური განვითარების ფონდი - 34 პროექტი, ღირებულება - 7 527 940 ლარი.

სტქია - 18 პროექტი, ღირებულება - 1 180 000 ლარი.

2024 წელში დაგეგმილი და შესრულებული ინფრასტრუქტურული სამუშაოები მნიშვნელოვნად აუმჯობესებს მუნიციპალიტეტის მოსახლეობის სოციალურ და ეკონომიურ მდგომარეობას .

ჯანსაღი ცხოვრების სტილი ჩემთვის მნიშვნელოვანია, ამ მიზნით აქტიურად ვართ ჩართული საფეხბურთო, საკალათბურთო, ჭიდაობის და სხვადასხვა მუნიციპალიტეტში გამართულ სპორტულ ღონისძიებაში. მერიისა და საკრებულოს თანამშრომლებისაგან დაკომპლექტებულმა საფეხბურთო გუნდმა მონაწილეობა მიიღო სახელმწიფო რწმუნებულის თასის გათამაშებაში, რომელიც იმერეთში სახელმწიფო რწმუნებულის ადმინისტრაციის ინიციატივით და მუნიციპალიტეტების მხარდაჭერით გაიმართა. ასევე ჩატარდა შიდა სასოფლო ტურნირები მინი ფეხბურთში, თხუთმეტ ადმინისტრაციულ ერთეულში რომელიც მიზნად ისახავს სოფლებში ფეხბურთის განვითარებას და პოპულარიზაციას. ამ ტურნირში გამარჯვებული გუნდები გადადიან პლეიოფში, რომელიც ლაშა გოგიაშვილის ხსოვნას ეძღვნება და ვლინდება მუნიციპალიტეტის ჩემპიონი. გარდა ამისა გაიმართა ლაშა გოგიაშვილის სახელობის მუნიციპალიტეტის პირველობა მინი ფეხბურთში მუნიციპალიტეტის ადმინისტრაციულ ერთეულებს შორის. ჩატარდა სასკოლო სპორტული ოლიმპიადის მუნიციპალური ტური მინი ფეხბურთში მუნიციპალიტეტის კერძო და საჯარო სკოლებს შორის გოგონებსა და ვაჟებში. სასკოლო სპორტული თამაშების მხარდაჭერია საქართველოს ბავშვთა და სასკოლო სპორტის ეროვნული ფედერაცია, საქართველოს განათლებისა და მეცნიერების სამინისტრო, საქართველოს კულტურის, სპორტისა და ახალგაზრდობის საქმეთა სამინისტრო. მუნიციპალურ ტურში მონაწილეობა მიიღო საჯარო სკოლების გოგონათა ათმა და ვაჟთა ოცმა გუნდმა. ახალგაზრდული პროექტი, მიზნად ისახავს მუნიციპალიტეტის მასშტაბით ფეხბურთის პოპულარიზაციას, სკოლებს შორის მეგობრობასა და სპორტულ თანამშრომლობას, მოსწავლეებში ჯანსაღი ცხოვრების წესის დამკვიდრებას.

მუნიციპალიტეტის საკრებულოში მიმდინარეობს აქტიური მსჯელობა ახლად რეაბილიტირებული სამუსიკო სკოლის პროფილურად დატვირთვის მიმართულებით.

გარდა ამისა თერჯოლის მუნიციპალიტეტის საკრებულოს წევრები, აპარატის თანამშრომლები, მერიის შესაბამისი სამსახურები და ადმინისტრაციული ერთეულის წარმომადგენლები ყოველთვის აქტიურად იღებს მონაწილეობას გამართულ დასუფთავების აქციებში, ასევე მწვანე ნარგავებით ჯანსაღი გარემოს შექმნაში და შენარჩუნებაში.